

Iluarsiissut

**Ilassutitut isumaliutissiissut 13. november 2020-meersoq taarserpaa
(Immikkoortuni qinersinermut ataatsimiititaliap katitigaaneranut kiisalu
ataatsimiititaliap inassuteqaataanut tunngasuni erseqqissaateqartoqarpoq.)**

**Uunga siunnersuut: Inatsisartunut qinersisarneq pillugu Inatsisartut inatsisaat nr. xx,
uu. qq.2020-meersoq**

pillugu**Inatsisinut Ataatsimiititaliap**

siunnersuutip pingajussaaneernejarneranut

**ILASSUTITUT
ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Mariane Paviasen, Inuit Ataqatigiit, Siulittaasup tullia
Inatsisartunut ilaasortaq Aleqa Hammond, Nunatta Qitornai
Inatsisartunut ilaasortaq Rachel H. Ingemann, Demokraatit
Inatsisartunut ilaasortaq Stine Egede, Inuit Ataqatigiit

Aappassaaneerinninnermi siunnersuut pingajussaaneerinninnginnermi ataatsimiititaliamut suliaassanngorlugu innersuunneqaqqippoq.

Siunnersuutip Inatsisartuni aappassaaneernejarnera

Siunnersuutip Inatsisartuni aappassaaneernejarnerani Naalakkersuisut allannguutissatut siunnersuummik saqqummiussipput.

Ataatsimiititaliap siunnersuummik suliarinninnera

Qinersinermut Ataatsimiititaliap katitigaanera pillugu:

Qinersinermut Ataatsimiititaliap katitigaanerani allannguissamik ataatsimiititaliap kaammattuutaa Naalakkersuisunit akuersaarneqarsimammat ataatsimiititaliamit tunngaviatigut iluarisimaarneqarpoq.

Taamaattorli Qinersinermut Ataatsimiititaliap – suliassai eqqarsaatigalugit - Ilisimatusarfimmi pisortamik taassumaluunniit sinniisuanik ilaasortanngortitsinikkut annertusaaffigineqarnera ”Qinersinermut ataatsimiititaliap inuiaqatigiinnut tunngasunik piginnaasaqartumik nukittorsaqpinneqarnissaata¹” qanoq naleqartiginera ataatsimiititaliamit takujuminaatsinneqarpoq.

Qinersinermut ataatsimiititaliap inatsisilerinikkut piginnaasatigut nukittorsarnerunissaa Naalackersuisunullu attuumassuteqannginneruneranik qulakkeerunneqarnissaa ataatsimiititaliamit piumaneqarnerugalarpoq. Ilisimatusarfiup pisortaanik ukuninnga taarsiinikkut Qinersinermut Ataatsimiititaliaq piginnaasatigut nukittorsarnerunissaaq ataatsimiititaliaq isumaqarpoq:

- Inuk inatsisilerituutut qaffasissumik ilinniakkamik naammassisaqarsimasooq Nunatta Eqqartuussisuuneranik toqqarneqartoq, eqqartuussivimmilu dommerfuldmægtigit toqqarneqarnissamat piginnaasarissatut misilittagarissatullu piumasqaataasunik naammassinniittoq. Tamanna assersuutigalugu aamma Neqerooruteqartitsisarnermut Maalaaruteqartarfimmut siulittaasumik toqqaanermi atorneqartarpoq². Taamak aaqiinnikkut Qinersinermut Ataatsimiititaliaq inatsisilerinikkut piginnaasatigut patajaallisaavigineqaannarani aammattaarli arlaannulluunniit attuumassuteqannginnerulernermik qulakkeerunneqassaaq.
- Inatsisartut Allattoqarfianni allattaaneq. Tamatuma kingunerisaanik Qinersinermut Ataatsimiititaliaq biskopimik qinersinermi katitigaanertut katitigalissaaq³. Aaqiineq taanna Qinersinermut Ataatsimiititaliap arlaannulluunniit attuumassuteqannginnerulerneranik nassataqassaaq,
- Kalaallit Nunaata Inuit Pisinnaatitaaffii Pillugit Siunnersuisoqatigiivivut ilaasorta. Kalaallit Nunaata Inuit Pisinnaatitaaffii Pillugit Siunnersuisoqatigiivi Kalaallit nunaanni inuttut pisinnaatitaaffinnik siuarsaanermik, illersuineramik nakkutilliinermillu aammalu Naalagaaffiit Peqatigiit inuttut naalackersuinikkullu pisinnaatitaaffiit pillugit isumaqatigiissutaannut tunngasunik suliaqartuupput. Aaqiineq taanna Qinersinermut Ataatsimiititaliap nutaanik piginnaasaqarfiulerneranik kiisalu arlaannulluunniit attuumassuteqannginnerulerneranik nassataqassaaq.

Paasissutissanik passussisarneq paasissutissanillu piiasaarneq:

Ataatsimiititaliap aappasaaneerinninnermut isumaliutissiisummini piiaanerup illersorneqarsinnaasumik pinissaanut, qaqugukkullu piiaanerup pinissaanut

¹ Allannguutissatut siunnersuummut nassuiaatini, ”2.2. Qinersinermut ataatsimiititaliaq”

² Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq, Inatsisartut inatsisaat nr. 4, 15. april 2011-meersukkat kiisalu Inatsisartut inatsisaat nr. 18, 22. november 2011-meersukkat allannngortinneqartumi § 26.

³ Namminersorlutik Oqartussat nalunaarutaat nr. 29, 16 december 2019-imeersumi § 2.

erseqqilluinnartunik sinaakkusiisoqarnissaa tunngaviusumik pingaaruteqartutut isigalugu erseqqissaatigaa. Kiisalu tamanna ataatsimiititaliap paasinninnera malillugu namminerminik aalajangersakkatut ilusilerneqarsimasariaqaraluarpoq, taamaaliornikkut qanoq annertutigisut siaruarterneqarsinnaanersut aammalu paasissutissat kikkunnut siaruarterneqarsinnaanersut qularutigineqaqqunagu.

Paasissutissat nalunaarsukkat niuernerminik tunngaveqartumik atorneqarsinnaannginnissaat aammalu paasissutissanik qinersisartunut ataasiakkaanut aallaavissineqarsinnaasunik tiguisoqarsinnaannginnissaata qinersisartunit tamakkiisumik tatigineqarnissaata qulakkeerneqarnissaa Naalakkersuisut allannguutissatut siunnersuummut nassuiaatini oqaatigimmassuk ataatsimiititaliamit iluarisimaarneqarpoq.

Ullormi qinersivimmi kommunerisami taasiartortarfimmi allami taasisinnaaneq:

Qinersisartut siunissami ullormi qinersivimmi kommunerisami taasiartortarfimmi nammineq toqqakkami taasisinnaanerannik Naalakkersuisut sulissutiginnissinnaalersillugit § 44-mut allannguutissatut siunnersuummik Naalakkersuisut saqqummiussisimanerat ataatsimiititaliamit qujassutigineqarpoq.


Taasinerup isertuunneqartussaanaera pillugu akisussaaffik:

Taasinerit isertuussaanaerisa qulakkeerneqarnissaat pillugu Naalakkersuisut kommunillu tunngaviatigut akisussaasuunerannik Naalakkersuisut nassuiaatitigut erseqqissaateqarnerat ataatsimiititaliamit iluarisimaarneqarpoq.

Ataatsimiititaliap inassuteqaatai

Ataatsimiititaliap isumaqatigiittup allannguutissatut siunnersuut **akuersissutigineqassasoq** inassutigaa.

Ataatsimiititaliap taama oqaaseqaateqarluni isumaliutissiisummilu allassimanageratut paasinnilluni siunnersuut pingajussaaniigassanngortippaa.



Anders Olsen
Siulittaasoq




Mariane Paviasen
Siulittaasup tullia



Rachel H. Ingemann

Aleqa Hammond



Stine Egede